

# OWÈN HE YÈ DO ISAIA HLAN AGÒJOYÌGODOTỌ LẸ

Isaia 1:1-31

## NUPINPLỌN 348 – Na Mewinyanwinyan Lẹ

**Nupinplon Do Tame:** "OKLUNỌ ọmọ, wá dinvie, na mí ní lẹnnu dopó; eyín ylando míton bia, yé na wé taidi kẹnsu, eyín yé divẹ taidi aláli, yé na taidi sekanfún" (Isaia 1:18).

### Owèn He Oklunọ Do

Yẹwhégán Isaia jẹ do winwlandai eton ji po ohó helẹ po: "Sè, mi olon emi, sọ dó otó ai, hiẹ aihon, na OKLUNỌ ko dọhó." Isaia wá Israeli de po owèn he Jihwéyẹwhe dó hlan yé po.

Ahọlu ẹnẹ, dagbe po ylankan po, wẹ dù to Juda to ojilé Isaia ton mẹ. E yí odona Jihwéyẹwhe ton whenuena Juda sẹn Jihwéyẹwhe, e sọ jiya na oylan akọta lọ ton lẹ whenuena yé to vodun sẹn. Şigba ewọ nọ dówèn he Jihwéyẹwhe do e whepoponu. Yise eton ma donyigodo nibotlẹ yín dọ ogán aigba lọ ji ton po gbẹtọ lẹ lọ po pete ko lẹkọ sọn Oklunọ godọ. Jihwéyẹwhe ko zé owèn de do alomẹ na ẹn, e sọ do owèn lọ ma hòpón dọ eyín gbẹtọ lẹ lọ jlo nado sè kavi lala.

Ozia po Hezekia po, he yín ahọlu dagbe, nọ kàn nuhe Jihwéyẹwhe dọ biọ sọn Isaia de. Yé jlo nado yón ojílọ Jihwéyẹwhe ton, Isaia sọ basi alọgọ nado diọ gbẹtọ lẹ lọ e bo sọ plon yé nado sẹn Jihwéyẹwhe. To ojilé helọ pete mẹ, Jihwéyẹwhe dona aigba lọ, homẹ gbẹtọ lẹpo ton sọ hùn nado sẹn Oklunọ.

### Mayondagbe

Ojilé de tin he yẹwłosu ylan talala kẹdẹdile e ko te do to jijedoeji ahọlu Ozia ton whenu. Jihwéyẹwhe ko yí alọ yeyi daho ton do dó yé, na yé nido yiwanna Ẹn. E ko jẹtukla, e ma yín kiki nado dó ali hia yé kẹdẹdi akọta sọkẹdẹ wẹ gba, şigba kẹdẹdi otọ wẹ E yí alọ yeyi ton do penukundo yé go. Pón le homẹ Jihwéyẹwhe ton na ko gble sọ whenuena yé lẹkọ sọn godọ na Ẹn! Kanlin he ma tindo ogbẹ to ede mẹ lọsu tlẹ yón dagbe męgopinpón klunọ eton ton, şigba na Israeli ton, e ma yín mọ gba: "Oyin yón klunọ eton, kẹtẹkẹtẹ sọ yón adọ klunọ eton ton, şigba Israeli ma yonẹn, omẹ şie lẹ ma sọ lẹnnú". Yé ma tlẹ yonẹn dọ odona he yé to mimoyi, Oklunọ de wẹ e sọn wá. Yé ma tlẹ sọ dopẹ na Ẹn.

Mayondagbe helọ kẹdẹ mawẹ onú ylankan he ovi Israeli ton lẹ wá gba. Eyín gbẹtọ lẹ ma hò Jihwéyẹwhe po osẹn Eton po pón, yé ma sọ to na hò osẹn devo pón gba. Yé ylan sọmọ bọ Jihwéyẹwhe do ọmọ jijọho de matin to yé mẹ gba. E taidi dọ yé gọ na alán po agada yinyon po, he yè ma sọ bla. Nawẹ e na ylan sọ yín eyín agadá agbasa go ton wẹ jẹ yé go, şigba ayiha yeton wẹ góna ogble. Na ylando yeton wutu, Jihwéyẹwhe sọ dike bọ yè bẹ to yé mẹ yi kanlinmọgbenu.

To ohwè sùsù mẹ wáyì, Jihwéyẹwhe dọ na ovi Israeli ton lẹ dọ, eyín yé ma sètonu na ogbedide Eton, Ewọ na yí yé do basi osi, akọta devo lẹ nasọ yín ota. Lẹn ehelọ pón! Męyiwanna Jihwéyẹwhe ton lẹ he Jihwéyẹwhe jlo na yí do basi ota, bọ yé na ko sọ yín ota eyín yé setonu na Jihwéyẹwhe, yé wá lẹzùn osi, akọta kosi lẹ ton sọ to ahóludù to yé ji.

### Yè hẹn Whèdida Dote

Yín e ma yín dọ yè mọ omẹ jijọ-di-Jihwéyẹwhe ton vude kẹdẹdi Isaia nkọ to akọta lọ mẹ pe wẹ, Jihwéyẹwhe na ko và yé omẹ pọ súdo kẹdẹdi Sọdọmi po Gomola po. Jikun miyón ton po whẹmi ton po wẹ yè yí do và otọ ylankan helẹ súdo na walọ ylankan yeton yi jẹ gigómẹ.

Ogbẹninọ omẹ jijọ-di-Jihwéyẹwhe ton lẹ ton to egbe he wẹ hẹn Jihwéyẹwhe do alọ homẹgble miyónawu Eton ton dote. Omẹ ylankan lẹ ma jẹ na dopo akàn to odona Jihwéyẹwhe ton lẹ mẹ gba. Yé to tolivé hlan Ẹn, yé to ohó agò dọ do E go, yé bo sọ nọ yí osẹn Eton do davlẹ. Şogan omẹ sùsù wẹ sọ to linlẹn dọ yé na yi olon to oten mọ nkọ mẹ. Yé lẹn dọ eyín yé ko gbẹ hòdọ alidide sinsẹn de ton, Jihwéyẹwhe na kẹaloyi yé ma hò ogbèzán he nkọ mẹ yé to ninọ pón.

Jihwéyẹwhe dọ na ovi Israeli ton lẹ gbangba onúhe E lẹn dogbon alidide sinsẹn ton he yé to hihodo ton dali, whenuena ayiha yeton ma sọgbe hẹ Ẹ. E kanbiọ dọ: "Ete wẹ avọ sùsù sinsán míton yín hlan mi? .

. . Yẹn góna avónunina mime agbò tọn, podọ na ojó kanlin yinyin tọn; . . . Mì sọ hẹn núnina vọtó wá ba blo: núwhenkún zùn núylanylan hlan Mí; Osùn yóyó, azán gbọjẹ tọn, po opli agùn tọn po yẹn ma sọgan loju yí." Nado yín omẹ kẹaloyí to Jihwéyewhe de húgan nado nọ yì ohò Jihwéyewhe tọn mẹ to azán Oklunọ tọn gbè, nado nọ jihàn, nado nọ dohó dagbe dogbọn Jesu tọn dali, kavi nado nọ hodè gá kẹdẹ. E dọmọ: "Whenuena mì hòdè sùsù yẹn ma na sè: alọ mìtọn gọ na ohùn".

Ehelọ ma dohia dọ Ewọ ma to odè ylandonọ tọn na sè gba. Eyín mēdepope lẹnvojo bo sọ biọ ojona, Jihwéyewhe na sè. "Ayiha gbigba finfinon, Jihwéyewhe E, Hiẹ ma to na vlẹ gba." Şigba gbẹtọ do na lẹnvojo sọn owalọ ylankan etọn mẹ na e nido sọgan mọ whlengan.

### **Yé Hẹn Otò Wiwe Zùn Mawé**

Whedenu tin he otò Jelusalẹm tọn yín wiwe. Davidi wlan winwlandai dọmọ: "sọn Ziọni (Jelusalẹm), pipe whanpẹ tọn, Jihwéyewhe to hinhón ta". Ojló Jihwéyewhe tọn na otò wiwe Eton wẹ ehelọ. Yè sọgan yí whanpẹ pipe he otò helọ tindo to ojlẹ helọ mẹ jlẹ do whedenu go, na ojlẹ lọ na wá to ahóludù ohwè fọtón tọn whenu whenuena e na yín wiwe nugbo nugbo. "Yé ma na gbleawuna omẹ kavi hùsúdo to osó wiwe şie lẹpo ji, wẹ OKLUNỌ dọ" (Isaia 65:25).

Şigba, pón otẹn he nkọ mẹ Jelusalẹm te to ojlẹ he mẹ Isaia wlan winwlandai helọ! "Nawẹ otò nugbo tọn zùn ogàlọto dole? E ko gọ na whèdida dai, dódó ko nọ emẹ dai, şigba dinvie, hlónhutọ". Yí ehe lọ lẹnpón! To otò wiwe Jihwéyewhe tọn mẹ, to fihe E jlo na dódó po onú dagbe şokẹdẹ po ni vùnai te, owalọ ylankan wẹ hẹn adọai to fihe. "Ahovi towe lẹ ko zùn atẹşito, podọ ogbẹ ajotọ lẹ tọn: Yé omẹ pó yiwanna núnina, bo sọ to ale din: yé ma sọ dawhè tọşiovi tọn, mọ owhè asúşiosi tọn ma wá yé de". Mēhe tin to otẹn daho mẹ lẹ he jẹ nado basi alọgọ na matindonọ lẹ po asúşiosi lẹ po, gọ na owalọ núglónúyíyí tọn. Yé to nunina lẹ din, yé bo sọ nọ wázón na ale yéde titi tọn le yé nado basi alọgọ na mēhe to alọgọ yeton din lẹ.

Jihwéyewhe mọ onú he lẹpo. Jihwéyewhe to mimọ awuvenamẹto lẹ mọkẹdẹ to egbé he. E ko dọmọ azán odlapọn tọn de ja. Yè na hẹn omẹ ylankan lẹ wá whèdida mẹ na owalọ ylankan yeton lẹ wutu.

Dọdai he Isaia dọ dogbọn otò Jelusalẹm tọn dali yín dopolọ hẹ Ahóludù ohwè fọtón tọn whenu. Whenenu yè na ylo Jelusalẹm otò dódó tọn, otò nugbonọ. Whèdatọ mawádódónọ de ma na sọ tin ba; mọ otòhódótọ lẹ nasọ tin kẹdẹdile yé ko te whenuena Davidi dọmọ: "sọn Ziọni, pipe whanpẹ tọn, Jihwéyewhe to hinhón tá" (Psalm 50:2).

### **Nado Wà Dagbe**

Jihwéyewhe yín nugbonọ hlan Israeli agojoyigodoto. E sọ dọ na yé le yé na wàgbọn do mọ nukundagbe Jihwéyewhe tọn. Isaia dọ na yé dọ: "do alọ oylan wiwà tọn ote. Mì plọn dagbe wiwà, mì din whèdida, mì goalona mēhe yè sinyenawuna, mì dawhè tọşiovi lẹ tọn, yí owhè asúşiosi tọn dọ".

Nado do alọ oylan wiwà tọn ote kẹdẹ ma pe gba. Gbẹtọ sọgan diọ sọn owalọ ylankan eton lẹpo mẹ, bọ e ni sinai bo sọ bla alọ do ogo, bo sọ to ayajẹ dọ emi ma taidi omẹ ylankan lẹ gba. Ehelọ ma na hẹn dagbe wá na ẹn gba. Gbẹtọ do na plọn nado wà dagbe ga. Mí do na dohia aihomenu lẹ dọ Jihwéyewhe ko wázón didiọ tọn to ayiha mìtọn mẹ.

Azón heleş ma yín yewhèhodidọ kẹdẹ tọn, odèhiho, ohànjiji, podọ ga nado nọ dọho gbọn Jesu kẹdẹ tọn dali wẹ gba. To ojlẹ lẹpo mẹ wẹ Jihwéyewhe to didọ dogbọn lẹblanu wà na matindonọ lẹ tọn dali po matindo alọgọto tọn po. Psalmkantọ wlan winwlandai de dọmọ: "Donanọ wẹ yé he to madogánno lẹ tọn lẹnpon: OKLUNỌ na whlẹn ẹn to nukunbia whenu" (Psalm 41:1).

### **Jihwéyewhe, Lẹnhemẹto**

Dopo to owefọ Jihwéyewhe tọn mẹ he hòakue húgan wẹ mí mọ to owe Isaia tọn ota tintan mẹ: " OKLUNỌ dọmọ, wá dinvie, na mí ní lẹnnu dopo; eyín ylano mìtọn bia, yé na wé taidi kẹnsú, eyín yé divẹ taidi aláli, yé na taidi sékanfun". Pón le Jihwéyewhe ko yín lẹblanunọ po homedagbenọ po sọ! E ma jẹ na Jihwéyewhe nisọ do lẹblanu hia ba gba. Gbẹtọ ko wá ylano do Jihwéyewhe go, e sọ jẹ na okú na ylano eton wutu. Şigba Jihwéyewhe to lẹblanu Eton mẹ, ko dleş alọ Eton yinukon, bo sọ to yíylo dọmọ:

"Wá" wá dinvie. A yí azán whlengan tọn do osò blo. Azán osò tọn sogan dèn. "Dayi ego, dinvie wẹ ojilé he yè kẹ́lọ́yí lọ: dayi ego, dinvie wẹ azán whlengan tọn" (2 Kọ́lintinu lẹ 6:2).

"Na mí ni lẹ́nnu dopó". Ohópladó dogbọn onúhe wutu mède ma do tọn sọ́n ylando mẹ́ tọn dali, ma na sogan nọ́te to Jihwéyẹ́whe nukọ́n gba. Jesu kú na ylando mítọ́n lẹ, ohùn Etọ́n nasọ́ klọ́ mí wé taidi kẹ́nsú whenuena mí gbẹ́ ylando mítọ́n dai bo sọ́ biọ́ ojona. Nude matin he mí sogan hẹ́n wá adavo ayiha mítọ́n; Ewọ́ na na mí onúpopo. Sogan E dọ́mọ́ emi na lẹ́nnu dopó hẹ́ mí. Whlengantọ́ jawu tẹ́ nkọ́ wẹ́ Jesu Oklunọ́ síe helọ́!

To ojilé de mẹ́, Oklunọ́ kanbiọ́ gbọ́n Israeli dali dọ́: "Etẹ́ wẹ́ yè do wá . . . bó yẹ́n ma basi?" (Isaia 5:4). Jesu zé onúpopo doai nado whlẹn mí sọ́n ylando mẹ́, yèdọ́ gbigbọ́ Etọ́n lọ́su. Be e ma ka jẹ́ na mí nado họnwezun wá Ede, nado vẹ́vẹ́ na lẹ́blanu, bó mí nisọ́ biọ́ ojona ylando tọn? Etẹ́wutu wẹ́ gbẹ́tọ́ lẹ́ nado vlẹ́ owanyi Jihwéyẹ́whe tọn?

E ma yín dọ́ Jihwéyẹ́whe nọ́ klọ́ ylando sẹ́ kẹ́dẹ́ wẹ́ gba, şigba E nọ́ dona yé mẹ́he to sinsẹ́n Ẹ́n lẹ́. "Eyín mí jlo bo sọ́ sẹ́tonu, mí na dù dagbe aigba lọ́ tọn." Nugbo nugbo, omẹ́ donanọ́ wẹ́ omẹ́ Jihwéyẹ́whe tọn lẹ́!

### **Whèdida To Atẹ́sító Lẹ́ Jí**

Mí sogan lẹ́n dọ́ gbẹ́tọ́ lẹ́po wẹ́ na jlo nado mọ́ whlengan, bo sọ́ tindo odona Jihwéyẹ́whe tọn. Şigba e ma to mọ́ na gbẹ́tọ́ sùsù gba. Yé to atẹ́si hẹ́ Jihwéyẹ́whe, yé sọ́ jlo na gbọ́n aliho yéde titi tọn jí. Ehelọ́ wẹ́ Jihwéyẹ́whe dọ́ gbọ́n yetọ́n dali: "Eyín mí gbẹ́ bo sọ́ şiate, yè na yí ohi do hù mí." E sọ́ hẹ́n adọ́ etọ́n ai whenuena e yí do gọ́ ẹ́ dọ́: "na onù OKLUNỌ́ tọn wẹ́ dọ́ ẹ́." Whenuena Jihwéyẹ́whe dọ́ onúde, e na yín mọ́.

Whèdida he na hòdo ohó Isaia tọn to afọ́doponẹ́lọ́ jí wẹ́ yín dọ́ yè na bẹ́ ovi Israeli tọn lẹ́ yí kanlinmọ́gbenu yí akọ́ta kosi lẹ́ tọn mẹ́. Şigba whèdida ja ylandonọ́ lẹ́po jí, yín e ma yín bibasi to aihọ́n he mẹ́, e na yín mọ́ to aihọ́n he ja mẹ́. To okú godo, whèdida.

To egbé he, Jesu gbẹ́ sọ́ to yíylọ́ mọ́kẹ́dẹ́: "wá dinvie, na mí ni lẹ́nnu dopó." "Gbigbọ́ po asi yóyọ́ po dọ́mọ́, wá. Ewọ́ he to sisè ni dọ́mọ́, wá. Podọ́ mẹ́he nùgbła hù gbọ́ e ni wá. Ewọ́ he jlo, gbọ́ e ni yí osin ogbẹ́ tọn lọ́ vọ́nu" (Osọ́hia 22:17).

### **OKANBIỌ́ Lẹ́**

1. Mẹnụ́ wẹ́ dó owẹ́n Isaia hlan Israeli?
2. Ahọ́lu tẹ́ nkọ́ wẹ́ Ozia po Hẹ́zekia po yín?
3. Nawẹ́ Jihwéyẹ́whe "dó" Israeli dọ́?
4. Nawẹ́ Jihwéyẹ́whe jlẹ́ Israeli do kanlin yinyin lẹ́ go dọ́?
5. Etẹ́wutu wẹ́ Jihwéyẹ́whe ma do jló avọ́ he Israelivi lẹ́ to sinsán?
6. Otẹn tẹ́ nkọ́ mẹ́ wẹ́ Jelusalẹ́m te whenuena Isaia to winwlandai helọ́ wlan?
7. To godo he Jihwéyẹ́whe ko dọ́ ylando Israeli tọn na yé, etẹ́ wẹ́ E kanbiọ́ sọ́n gbẹ́tọ́ lẹ́ lọ́ de nado basi?
8. Etẹ́ wẹ́ na jọ́ do yé go eyín yé gbẹ́ Ẹ́?
9. Opagbe etẹ́ tọn wẹ́ Jihwéyẹ́whe do na omẹ́ dagbe po tonusetọ́ po?
10. Opagbe etẹ́ tọn wẹ́ E do na mẹ́he to matindonọ́ lẹ́ tọn lẹ́npon?